

BILANGAN 36 MUSLIM YANG BAIK ADALAH JIRAN YANG BAIK

PETIKAN 1a



Muslim yang baik **adalah** jiran yang baik

PETIKAN 1b



Muslim yang baik **adalah** jiran yang baik.

PETIKAN 2



Muslim yang baik **ialah** jiran yang baik.

Tema yang dipilih untuk menganjurkan rancangan-rancangan sempena bulan Ramadan 2005 ialah "Muslim yang baik **adalah** jiran yang baik" (lihat Petikan 1a dan 1b).

Dalam petikan 2 pula, berita mengenainya tercatat begini:


- 1) Bertemakan Muslim yang baik **ialah** jiran yang baik, kegiatan-kegiatan yang dirancang Muis bertujuan mencerminkan nilai-nilai umat Islam

Yang manakah yang benar; petikan 1a dan 1b yang menggunakan kata pemerai '**adalah**' atau petikan 2 yang mencatatkan kata pemerai '**ialah**'.

Sila rujuk Bilangan 18 yang pernah memperkatakan penggunaan **ialah** dan **adalah**. Berdasarkan keterangannya, **adalah** kata pemerai yang bermaksud untuk menghuraikan subjeknya (kualitatif). Sementara '**ialah**' digunakan untuk menyatakan persamaan dengan subjeknya (ekuatif). Sebagai lanjutan, subjek dan predikat dalam ayat yang mengandungi '**ialah**' boleh bertukar tempat.

Berdasarkan keterangan tersebut, petikan 2 yang benar dan baku. Bagaimana pula dengan petikan 3 ini?

PETIKAN 3



Tumpuan kami sekarang **ialah** untuk menaikkan bangunan Irsyad secara bertahap.